

भर दिया म्हारा सतगुरू,  
ल्याय कुवा को पाणी ढाणा में,  
कुवा को पाणी ढाणा में ॥

कुवा जल गहरा घणा जी,  
सहज हाथ नही आय,  
जाके हाथ साधन नही जी,  
प्यासा ही भल जाय,  
कुवा को पाणी ढाणा में ॥

आठों साधन अरठ बनाया,  
श्रद्धाडोली लगाय,  
पाताला का नीरने जी,  
खैचलियो पल माय,  
कुवा को पाणी ढाणा में ॥

यो जल है निर्मल मोती सो,  
अमृत से अधिकाय,  
पीवत प्रेम शान्ति व्यापे,  
जन्म-मरण मिट जाय,  
कुवा को पाणी ढाणा में ॥

यह जल नहीं ज्ञानी के खातिर,

अज्ञानी नही भाय,  
को मुमुक्षु पीवसी जी,  
पीते ही मन हरसाय,  
कुवा को पाणी ढाणा में ॥

प्रेम होत है लाभ से जी,  
यही बड़ो का नेम,  
ढाणा जल से प्रेम है जी,  
सागर से नही क्षेम,  
कुवा को पाणी ढाणा में ॥

करी कृपा गुरुदेव ने जी,  
प्याउ दई भरवाय,  
कमला युगों युगों से प्यासी,  
अब जल पियो है अधाय,  
कुवा को पाणी ढाणा में ॥

भर दिया म्हारा सतगुरु,  
ल्याय कुवा को पाणी ढाणा में,  
कुवा को पाणी ढाणा में ॥

गायक बाबूलाल प्रजापत ।  
प्रेषक साँवरिया निवाई ।

7014827014

Source:

<https://www.bharattemples.com/bhar-diya-mhara-satguru-lyay-kuva-ko-pani-dhana-me/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>